

# Информатор о работи Покраїнскей виберанковей комисии

## Зміст

<b>ЗМІСТ</b> .....	<b>1</b>
<b>1. ОСНОВНИ ПОДАТКИ О ІНФОРМАТОРУ</b> .....	<b>2</b>
<b>2. ОСНОВНИ ПОДАТКИ О ПОКРАЇНСКЕЙ ВИБЕРАНКОВЕЙ КОМІСІЇ</b> .....	<b>3</b>
2.1. Контакт .....	3
<b>3. ОПИС КОМПЕТЕНЦІЙОХ И ДІЛОКРУГ РОБОТИ</b> .....	<b>4</b>
3.1. Органи за запровадзоване виберанкох .....	4
3.2. Компетенція .....	4
<b>4. ОРГАНІЗАЦІЙНА СТРУКТУРА</b> .....	<b>6</b>
4.1. Покраїнська виберанкова комісія у стаємним составе .....	6
4.2. Покраїнська виберанкова комісія у преширеним составе .....	7
4.3. Роботни групи Покраїнскей виберанковей комісії .....	7
4.4. Состав Покраїнскей виберанковей комісії .....	8
<b>5. ПРАВА И ОБОВ'ЯЗКИ ПРЕДСИДАТЕЛЯ, ЧЛЕНОХ И СЕКРЕТАРА КОМІСІЇ</b> .....	<b>9</b>
<b>6. СПОСОБ РОБОТИ КОМІСІЇ</b> .....	<b>10</b>
6.1. Інформації о роботи Комісії за период 2008-2012. року .....	12
6.1. Інформації о роботи Комісії за период 2012-2015. року .....	12
<b>7. ЯВНОСЦ РОБОТИ КОМІСІЇ</b> .....	<b>13</b>
<b>8. ЗАЩИТА ПОДАТКОХ О ОСОБИ</b> .....	<b>14</b>
<b>9. ОБЕЗПЕЧОВАНЕ СРЕДСТВОХ ЗА РОБОТУ КОМІСІЇ</b> .....	<b>14</b>
<b>10. ДОКУМЕНТАЦІЯ О РОБОТИ КОМІСІЇ</b> .....	<b>14</b>
<b>11. ЧУВАНЕ ДОКУМЕНТАЦІЇ ХТОРА НАСТАЛА У РОБОТИ И У В'ЯЗИ З РОБОТУ КОМІСІЇ</b> .....	<b>15</b>
<b>12. ПОДАТКИ О ПРИХОДОХ И РОЗХОДОХ</b> .....	<b>16</b>
12.1. Препатрунок планованих, одобрених и потрошених бюджетних средствох у 2008. року .....	16
12.2. Препатрунок планованих, одобрених и потрошених бюджетних средствох у 2009. року .....	17
12.3. Препатрунок планованих, одобрених и потрошених бюджетних средствох у 2010. року .....	18
12.4. Препатрунок планованих, одобрених и потрошених бюджетних средствох у 2011. року .....	19
12.5. Препатрунок планованих, одобрених и потрошених бюджетних средствох у 2012. року .....	20
12.6. Препатрунок планованих, одобрених и потрошених бюджетних средствох у 2013. року .....	21
12.7. Препатрунок планованих, одобрених и потрошених бюджетних средствох у 2014. року .....	22
12.8. Препатрунок планованих, одобрених и потрошених бюджетних средствох у 2015. року за програмну активносц – Активносци орґанох за запровадзоване виберанкох .....	23
<b>13. НАВОДЗЕНЕ ПРЕДПИСАНЬОХ</b> .....	<b>23</b>
<b>14. ІНФОРМАЦІЇ О ПОДНОШЕНЮ ВИМАГАНЬОХ ЗА ПРИСТУП ҐУ ІНФОРМАЦІЙОМ</b> .....	<b>25</b>

## 1. Основни податки о информатору

Інформатор о роботи Покраїнскей виберанковей комісії (у дальшим тексту: Інформатор) обявює ше у складзе зоз членом 39. Закона о шлебодним приступе гү информацией од явнеј значносци („Службени глашнік РС“, число 120/2004, 54/2007, 104/2009 и 36/2010) и Упутство за виробок и обявйоване информатора о роботи державного орґана („Службени глашнік РС“, число 68/2010).

Інформатор ма податки хтори важни за информоване явносци о роботи Покраїнскей виберанковей комісії и за витворйоване права заинтересованих особох на приступ гү информацией од явнеј значносци.

Інформатор ше, у електронскей верзиї, находзи на интернет презентациї Покраїнскей виберанковей комісії [www.pik.skupstinavojvodine.gov.rs](http://www.pik.skupstinavojvodine.gov.rs), а на вимагане заинтересованих особох го мож бесплатно видруковац або зняц на медий заинтересованей особи.

Овласцена особа за поступане по вимаганьох за шлебодни приступ гү информацией и компетентна особа за точносц и ажурносц податкох яки облапени у Информаторе то секретар Покраїнскей виберанковей комісії Никола Баняц.

Інформатор першираз обявени 12. априла 2012. року.

Інформатор остатні раз ажуровани 24. фебруар 2017. року.

## 2. Основни податки о Покраїнскей виберанковей комисии

Покраїнська виберанкова комісія (у дальшим тексту: Комісія) то орган за запровадзоване виберанкох за посланікох до Скупштине Автономней Покраїни Войводини.

Вибор, способ роботи, функционоване и роботи хтори окончуе Комісія ушорени з Покраїнску скупштинску одлуку о виборе посланікох до Скупштине Автономней Покраїни Войводини („Службени новини АПВ“, число 23/2014) и з Діловніком Покраїнскей виберанковей комисии („Службени новини АПВ“, число 12/2016 и 61/2016).

Шедзиско Комисии у Новим Садзе, у будинку Скупштине Автономней Покраїни Войводини, улїца Владики Платона бч.

### 2.1. Контакт

#### Покраїнська виберанкова комісія

<b>Адреса:</b>	Будинок Скупштине Автономней Покраїни Войводини  Владики Платона бч  21000 Нови Сад
<b>Телефон/факс:</b>	021/487-4143, 021/456-010,  021/456-012
<b>Електронска пошта:</b>	<a href="mailto:pik@skupstinavojvodine.gov.rs">pik@skupstinavojvodine.gov.rs</a>
<b>Интернет презентация:</b>	<a href="http://www.pik.skupstinavojvodine.gov.rs">www.pik.skupstinavojvodine.gov.rs</a>
<b>Матичне число:</b>	08649987
<b>ПИЧ:</b>	102187302

### 3. Опис компетенційох и ділокруг роботи

#### 3.1. Органи за запровадзованє виберанкох

У складзе зоз членом 11. Покраїнскей скупштинскей одлуки о виборе посланікох до Скупштини Автономней Покраїни Войводини, органи за запровадзованє виберанкох за посланікох Скупштини Автономней Покраїни Войводини то Покраїнська виберанкова комісія и виберацки одбори.

Покраїнську виберанкову комісію ше менує на штири роки, а виберацки одбори за кажди вибор посланікох.

Скупштина Автономней Покраїни Войводини ма 120 посланікох хторих ше вибера на штири роки.

Посланікох ше вибера у Автономней Покраїни Войводини, як єдней виберанковей єдинки, на основи лістинох политичних странкох (странкова виберанкова лістина), коалиції политичних странкох або коалиції политичней странки и групи гражданох (коалиційна виберанкова лістина) або групи гражданох (виберанкова лістина групи гражданох).

#### 3.2. Компетенция

Покраїнська виберанкова комісія:

- ше стара о запровадзованю виберанкох у складзе зоз Покраїнську скупштинську одлуку о виборе посланікох до Скупштини Автономней Покраїни Войводини,
- одредзує и обявює виберацки места у „Службених новинох АПВ“,
- формує виберацки одбори и менує їх членох,
- утвердзує число потребних гласацких лісткох,
- організує технічни пририхтованя за вибор посланікох,
- доручує податки о виберанкох орґаном цо компетентни за зберанє податкох,
- ускладзує роботу орґанох за запровадзованє виберанкох и дава им упутства у поглядзе запровадзованя поступку вибору посланікох,
- предписує формулари хтори значни за роботу орґанох за запровадзованє виберанкох, способ доручованя податкох комісії и приноси акти за окончованє виберанкових дійох яки предписани з тоту одлуку,
- дава поясненя о применюваню одредбох Покраїнскей скупштинскей одлуки о виборе посланікох до Скупштини Автономней Покраїни Войводини,

- утвердзує и обявює вкупни резултати виберанкох,
- подноши Скупштину звіт о запровадзених виберанкох,
- утвердзує и обявює вкупне число виберачох,
- утвердзує чи виберанково лістини составени и поднешени у складзе зоз Покраїнску скупштинску одлуку о виборе посланікох до Скупштину Автономней Покраїни Войводини,
- приноши рішенє о преглашеню виберанковой лістини,
- приноши рішенє о преглашеню собирней виберанковой лістини,
- пририхтує и оверює гласацки лістки,
- приноши одлуку о додзельованю посланіцких мандатох,
- предписує способ преверйованя автентичности подписох и других податкох зоз формуларох хтори предписує,
- окончує и други роботи яки утвердзени з Покраїнску скупштинску одлуку о виборе посланікох до Скупштину Автономней Покраїни Войводини.

## 4. Організаційна структура

### 4.1. Покраїнська виберанкова комісія у стаємним составе

У складзе зоз Покраїнську скупштинську одлуку о виборе посланікох до Скупштини Автономней Покраїни Войводини, Комісію у стаємним составе твора:

- председатель и заменік председателя,
- 10 члени и їх заменіки.



Председателя Комісії менує Скупштина на предкладане председателя Скупштини.

Членох Комісії менує Скупштина на предкладане посланіцких групох у Скупштини.

Комісія ма секретара, хтори источашне секретар Скупштини або його заменік. Вон участвує у роботи Комісії, без права одлучованя. Секретар Комісії ма заменіка.

Председатель, члени и секретар Комісії, як и їх заменіки, муша буц дипломовани правніки, з найменей трома роками искуства у фаху.

Члени Комісії и їх заменіки муша мац виберанкове право и место биваня на території Автономней Покраїни Войводини.

Членом Комісії и їх заменіком престава функция у Комісії кед прилапя кандидатуру за посланікох.


Комісію ше менує на штири роки.

Акт о менованю членох Комісії ше обявює у „Службених новинох Автономней Покраїни Войводини“.

Фахово и административни роботи за потреби Комисії окончує Служба Скупштину Автономней Покраїни Войводини.

#### **4.2. Покраїнска виберанкова комісія у преширеним составе**

При запровадзованю виберанкох, Комисія роби у преширеним составе. Право одредзиц члена Комисії у преширеним составе ма подношитель потвердзеной и преглашеной виберанковой лістини хтори предложел найменей половку кандидатох вкупного числа посланікох хторе ше вибера.



Двоме або вецей подношительє виберанковой лістини можу одредзиц заєдніцкогo ополномоценогo члена до Комисії.

Члени преширеногo состава маю заменікох. Члени преширеногo состава и їх заменіки муша буц дипломовани правніки.

Члени Комисії у стаємним и преширеним составе маю єднаки права и длужносци.

#### **4.3. Роботни ґрупи Покраїнскей виберанковой комисії**

Пре преучованє поєдиних питаньох зоз свойого ділокругу, виробок предлогах актох, звитох и других документох, як и пре окончованє поєдиних виберанкових дійох, Комисія може формовац роботни ґрупи зоз шора своїх членох, хторей фахову помоц можу давац заняти особи.



#### 4.4. Состав Покраїнскей виберанковей комисії

На основи Одлуки о менованю председателя, членох и секретара Покраїнскей виберанковей комисії и їх заменікох ("Службени новини АПВ", число 43/16 и 64/16), до Покраїнскей виберанковей комисії меновани:

- за председателя **МИЛОВАН АМИДЖИЧ**, дипломовани правнік зоз Нового Саду,  
за заменіка председателя **МИНЯ ҐАШЕВИЧ**, дипломовани правнік зоз Оджаку;
  
- 1. за члена **РАЙКО МАРИНКОВИЧ**, дипломовани правнік зоз Нового Саду,  
за заменіка **ЄЛЕНА ЧОЛАКОВИЧ**, дипломовани правнік зоз Ковину,
- 2. за члена **МИЛАН ДЮРИЧ**, дипломовани правнік зоз Нового Саду,  
за заменіка **СВЕТЛАНА ДЯКОВИЧ** дипломовани правнік зоз Петроварадину,
- 3. за члена **ДАНИЦА ВИҐНЕВИЧ**, дипломовани правнік зоз Футоґу,  
за заменіка **ДУШАН ОБРАДОВИЧ**, дипломовани правнік зоз Суботици,
- 4. за члена **СВETИСЛАВ СТОЈАНОВИЧ**, дипломовани правнік зоз Нового Саду,  
за заменіка **МАРКО САРАНОВАЦ**, дипломовани правнік зоз Сримскей Митровици,
- 5. за члена **АЛЕКСАНДАР БОЙКОВ**, дипломовани правнік зоз Нового Саду,  
за заменіка **ЕМИНА МУЙОВИ**, дипломовани правнік зоз Нового Саду,
- 6. за члена **ЛЮБОМИР ЙОКИЧ**, дипломовани правнік зоз Петроварадину,  
за заменіка **ВАНЯ КОВАЧЕВИЧ КАНАЗИР**, дипломовани правнік зоз Нового Саду,
- 7. за члена **МИЛОРАД ҐАШИЧ**, дипломовани правнік зоз Футоґу,  
за заменіка **БОЖИДАР ПРОТИЧ**, дипломовани правнік зоз Нового Саду,
- 8. за члена **ЄЛЕНА ЗЛОЮТРО**, дипломовани правнік зоз Нового Саду,  
за заменіка **ДУШАН ТЕОФИЛОВИЧ**, дипломовани правнік зоз Нового Саду,
- 9. за члена **ИВАНА ҐЛУШАЦ**, дипломовани правнік зоз Нового Саду,  
за заменіка **РАСТКО РУЖИЧИЧ**, дипломовани правнік зоз Нового Саду,
- 10. за члена **ЕДВИНА ЕРДЕДИ**, дипломовани правнік зоз Нового Саду,  
за заменіка **ИҐОР БАШНЕЦ**, дипломовани правнік зоз Нового Саду;
  
- за секретара **НИКОЛА БАНЯЦ**, дипломовани правнік зоз Нового Саду,  
за заменіка секретара **МИЛА РАДИСАВЛЕВИЧ**, дипломовани правнік зоз Нового Саду.

## 5. Права и обовязки председателя, членох и секретара Комисії

Председатель Комисії:

- представля Комисию,
- зволує схадзки Комисії и предшедує на схадзкох,
- подписує акти Комисії,
- одобрує службени путованя у жеми и иножемстве,
- стара ше о тим же би Комисия своєю роботи окончовала у складзе з предписанями и благочашне,
- стара ше о применюваню Діловніка Комисії, и
- окончує други роботи яки утвердзени з Покраїнску скупштинску одлуку о виборе посланікох до Скупштини Автономней Покраїни Войводины и з Діловніком Комисії.

Председатель Комисії може овласциц секретара Комисії же би подписовал акти Комисії хтори ше одноша на питаня оперативного характеру.

Заменік председателя Комисії окончує длужносци председателя Комисії у случаю його одсутносци або зопартосци за окончоване функції, а може окончовац и роботи за хтори го председатель Комисії овласци.

Члени Комисії маю право и обовязку:

- предкладац зволоване и дньови шор схадзки Комисії,
- порядне присуствовац на схадзкох Комисії,
- участвовац у розправи о питаньох хтори на дньовим шоре схадзки Комисії и гласац о каждим предкладаню о хторим ше одлучує на схадзки,
- окончовац шицки длужносци и задатки яки одредзи Комисия.

Секретар Комисії:

- пририхтує схадзки Комисії,
- координує роботу членох и заменікох членох Комисії,
- помага председателюви Комисії у окончованю работох з його компетенції,
- стара ше о пририхтованю предлогах актох хтори приноси Комисия и окончує други роботи у складзе з Покраїнску скупштинску одлуку о виборе посланікох до Скупштини Автономней Покраїни Войводины, Діловніком Комисії и налогами председателя Комисії.

## 6. Спосіб роботи Комісії

Комісія роби у схадзкох.

Схадзку Комісії зволує председатель Комісії, на свою иницијативу або, у цо кратшим чаше, кед тото предложи найменей трецина членох Комісії.

У случаю зопартосци председателя або заменіка председателя Комісії, схадзку може зволац и предшедовац на схадзки член Комісії хторого председатель у писаней форми овласци.

Зволане за схадзку Комісії, з предкладаньом дньового шора, посла ше членом Комісії и їх заменіком, по правилу у писаней форми, найпознейше два дні пред дньом хтори одредзени за отримоване схадзки, а по потреби, схадзки ше зволує на телефон або по електронскей пошти.

Винімково, поволанку за схадзку Комісії з предкладаньом дньового шора, мож доручиц и у кратшим чаше, при чим председатель Комісії длужен на початку схадзки обгрунтовац таки поступок.

Зволане схадзки ма дзень, час, место отримованя схадзки Комісії и предкладане дньового шора. Зоз зволяньом схадзки, членом и заменіком членох Комісії, ше доручує и материял яки пририхтани за точки предложеного дньового шору, як и записнік зоз предходней схадзки Комісії, кед є составени.

Дньови шор схадзки Комісії преклада председатель Комісії, окрема у случаю зволованя схадзки на вимагане найменей трецини членох Комісії, кед ше дньови шор преклада у вимаганю за зволоване схадзки.

Схадзка може буц отримана кед на ней присуствує векшина вкупного числа членох, односно заменікох членох Комісії у стаємним, односно преширеним составе.

На схадзки предшедує председатель Комісії, односно у його одсутстве заменік председателя Комісії.

У случаю же председатель муши напущиц схадзку, предшедоване пребера заменік председателя, односно, у случаю же заменік председателя одсутни, предшедоване пребера член Комісії хторого председатель овласци у писаней форми.

Отвераючи схадзку, предшедуюци констатує число присутних членох Комісії.

У розправи на схадзки можу участвовац председатель Комісії, члени Комісії, секретар Комісії и їх заменіки.

На схадзки, на поволанку председателя Комісії, можу присуствовац и участвовац у розправи и представителе покраїнских и других оґанох и оґанизацийох, кед ше на схадзки розпатра питаня з їх ділокругу, о чим предшедуюци информує членох Комісії на початку схадзки.

Пред утвердзованю дньового шора, прилапує ше записнік зоз предходней схадзки, кед є составени и благочашне доручени членом и заменіком членох Комісії.

Зауваги на записнік може винесц кажди член Комисії, односно заменік члена.

Кед нет зауваги на записнік, предшедуюци кладзе на гласане записнік у предложеним тексту.

О винешених заувагах на записнік, Комисия одлучує по шоре по яким су винешени у розправи.

После одлучованя о заувагах на записнік, предшедуюци констатує же записнік прилапени у предложеним тексту, односно з прилапенима заувагами. Предшедуюци подписує записнік.

Дньови шор схадзки утвєрдзує Комисия.

Право предложец вименку або дополненє предложеного дньового шора ма кажди член Комисії, односно заменік члена.

О предкладаньох за вименку або дополненє предложеного дньового шора одлучує ше без розправи, по шоре по хторим предкладаня винешени на схадзки.

По вияшньованю о предкладаньох за вименку, односно дополненє предложеного дньового шора, Комисия гласа о утвєрдзованю дньового шора у целосци.

На предкладанє предшедуюцого або члена Комисії, односно заменіка члена, Комисия може одлучиц же би ше час за розправу каждого з учашнікох, по одредзеной точки дньового шора, огранічело на пейц минути.

На схадзки ше роби по точкох утвєрдзеного дньового шору.

Пред отвераньом розправи по точки дньового шору, председатель Комисії, або член Комисії хторого одредзел председатель Комисії, обвисцує Комисию и преклада способ дальшого поступаня Комисії (подношитель звиту).

Кед ше на схадзки розпатра предлог акта хтори приноси Комисия, пред отвераньом розправи Комисию зоз предлогом акта упознава секретар Комисії.

Предшедуюци ше стара о порядку на схадзки Комисії и дава слово членом и заменіком членох Комисії хтори приявени за учасц у розправи.

Кед оцєні же тото необхідне, предшедуюци може одредзиц павзу.

Комисия роби и полноважно одлучує кед на схадзки присуєтвує векшина вкупного числа членох, односно їх заменікох.

Комисия одлучує з векшину гласох членох у стаємним, односно преширеним составе.

Право гласа маю лєм члени Комисії, а заменіки членох лєм у случаю одсуєства члена хторого заменяю.

Кед винешени вецей предкладаня у рамикох єдней точки дньового шора, предшедуюци дава на гласанє предкладаня по шоре по хторим су винешени.

Комисия вше гласа за прилапйованє предкладаня.

Кед предкладане о хторим ше гласа не достане потребну векшину гласох, будзе ше тримац же предкладане одбите.

### **6.1. Інформації о роботи Комисії за период 2008-2012. року**

Отримани схадзки		Принешени акти			
Порядна работа	Дополнююци виберанки 9. май 2010. року	Звит	Одлука	Ришене	Друге
23	9	11	4	17	35
32		67			

### **6.2. Інформації о роботи Комисії за период 2012-2015. року**

Отримани схадзки		Принешени акти			
Порядна работа	Дополнююци виберанки 17.2.2013. року	Звит	Одлука	Ришене	Друге
12	12	9	16	18	19
24		62			

## 7. Явносц роботи Комисії

Робота Комисії явна.

Комисія забезпечує явносц роботи зоз:

- оможлівйованьом заинтересованим домашнім, странским и медзинародним організаційом и здруженьом (припатраче) провадзиц роботу Комисії под час виберанкового поступку,
- обявйованьом актох Комисії у „Службених новинох Автономней Покраїни Войводини“, у складзе з Діловніком Комисії,
- обявйованьом Інформатора о роботи Комисії и оможлівйованьом приступу гү інформаційом од явнеї значносци зоз хторима розполага Комисія, у складзе зоз законом,
- обявйованьом актох и інформаційох о роботи Комисії на интернет боку Комисії,
- даваньом сообщеньох за явносц, и
- отримованьом конференційох за медії и даваньом виявох за медії, у складзе з Діловніком Комисії.

Комисія обявює Інформатор о своєї роботи.

Особа цо овласцена за поступане по вимаганьох за приступ гү інформаційом од явнеї значносци то секретар Комисії.

О вимаганьох за приступ гү інформаційом од явнеї значносци, хтори ше одноша на виберанкови материял, одлучує Комисія.

Комисія ма свой интернет бок на хторим ше обявює общи акти Комисії, звити о резултатох виберанкох, інформації о отриманих схадзкох Комисії и сообщеня за явносц, як и други інформації и документи хтори наставаю у роботи або у вязи з роботу Комисії, а значни су за информоване явносци.

О ажурированю интернет боку Комисії ше стара секретар Комисії.

Сообщене за явносц ше выдава преїг Служби Скупштини Автономней Покраїни Войводини.

О роботи Комисії явносц обвисцує председатель Комисії або член хторого Комисія за то овласци, преїг конференційох за медії и виявох за медії.

Секретар Комисії овласцени давац вияви о технічних аспектох роботи Комисії и запровадзованя виберанкох.

## 8. Защита податкох о особи

Члени и заменіки членох Комисії и заняти у Служби хтори ангажовани на окончованю работох за потреби Комисії, длужни у своєї работи поступац у складзе з предписанями зоз хторима ушорена защита податкох о особи.

## 9. Обезпечованє средствох за роботу Комисії

Средства за роботу орґанох за запровадзованє виберанкох, виберанкови материял и други трошки запровадзованя виберанкох, обезпечує ше у бюджету Автономней Покраїни Войводини.

Комисия подноши Скупштини АП Войводини финансови план потребних средствох за рядову роботу и трошки запровадзованя виберанкох и звит о потрошених средствох за рядову роботу и запровадзованє виберанкох.

Председатель, члени и секретар Комисії и їх заменіки маю право на надолполненє за роботу у Комисії.

Надолполненє за роботу у Комисії ше ушорює з окрему одлуку.

Служба Скупштини Автономней Покраїни Войводини обезпечує и дава Комисії необхідну фахову и технічну помоц.

Особи хтори даваю необхідну фахову и технічну помоц Комисії маю право на надолполненє, хторе ше ушорює з окременим актом.

Даватель розказох за хаснованє средствох хтори ше обезпечує за роботу Комисії то секретар Комисії.

## 10. Документация о роботи Комисії

На схадзки Комисії ше водзи записнік.

Записнік ма основни податки о работи на схадзки, окреме о предкладаньох о хторих ше розправяло, з менами учашнікох у розправи, о одлукох, заключеньох и других актох хтори на схадзки принешени, як и о резултату гласаня о поєдиних питаньох.

О водзеню и чуваню записнікох ше стара секретар Комисії. Записник ше чува тирвацо.

Записнік подписую председатель и секретар Комисії.

## **11. Чуванє документації хтора настала у роботи и у вязи з роботу Комисії**

Інформації яки ма Комисія єст у писаней форми (на паперу).

Комисія обезпечує чуванє виберанкових актох и звитох о резултатох виберанкох з виберанковима материялами и рукованє з тима материялами, у складзе з предписанями.

У Комисії ше водзи діловодни протокол, ушорює и чува документацію (архивни материял Комисії), зоз хтору ше поступа у складзе з предписанями.

Виберанкови материял ше чува у виєднаних просторийох ЯП Склонїща у Новим Садзе.

Архиву з предметами ше чува у Писарніци Скупштини Автономней Покраїни Войводини у Новим Садзе, улїца Владики Платона бч.

Документацію о роботи Комисії ше чува у Писарніци Скупштини Автономней Покраїни Войводини у Новим Садзе, улїца Владики Платона бч.

Финансийни документи о плаценю за потреби Покраїнскей виберанковей комисії, уключуюци и документацію о обрахунку и виплацованю надолнєньох, чува ше у Секторе за административни и организаційни роботи Скупштини Автономней Покраїни Войводини, Одділ финансийно-материялних роботох, улїца Владики Платона бч.

З предписанями о роботи Комисії не предвидзене, односно ушорене чуванє материялох у електронским, маґнетним, односно дигиталним запису.



## 12. Податки о приходе и розходе

*Препатрунок планованих, одобрених и потрошених бюджетних средств у периодзе 2008-2015. року*

Рок	Плановане з рочним планом	Вивершени розходи	Процент вивершеня
2008.	212.570.000,00	210.016.982,73	98,80
2009.	8.330.000,00	8.183.812,59	98,25
2010.	14.169.468,00	12.613.111,81	89,02
2011.	10.441.000,00	8.568.891,08	82,07
2012.	209.039.000,00	206.237.003,04	98,66
2013.	34.249.000,00	32.178.609,31	93,95
2014.	21.400.000,00	18.874.762,24	88,20
2015.	21.530.000,00	18.963.797,1	88,08
2016.	218.016.000,00		

### 12.1. Препатрунок планованих, одобрених и потрошених бюджетних средств у 2008. року

*Функционална класификация 160 – Обци явни услуги неклассификовани на другим месце*

На основи члена 3. пасус 3. Уставного закона за запровадзоване Устава Републики Сербии, виберанки за посланикох до Скупштини Автономней Покраїни Войводини отримани 11. мая 2008. року.

Од планованих средствох (212.570.000,00 динари) вивершена сума 210.016.982,73 динари, односно 98,80%.

Средства хасновани за:

- стаємни трошки - у суми 393.607,68 динари, односно 72,35% од плану (544.000,00 динари). Средства потрошени за надополненє трошкх општинскей управи за закуп простору за виберацки места при запровадзованю другого кругу виберанкох за посланікох до Скупштину АП Войводини и за закуп простору пре змесценє виберанкового материялу.
- трошки путованьох - у суми 1.857.676,41 динари, односно 88,33% од планованих 2.103.000,00 динарох. Средства потрошени за виплацованє дньовніцох и надополненьох за хаснованє власного авта председательови, членом, секретарови Комисії и їх заменіком, стемного и преширеного составу.
- услуги по контракту - у суми 164.761.864,79 динари, односно 98,77% од планованих 166.816.000,00 динарох. Средства хасновани за надополненя за роботу Покраїнскей виберанковой комисії, виберанковой комисії виберанкових єдинкох и виберацким одбором, як и за репрезентацию и инши общи услуги
- трошки материялох - у суми 43.003.833,85 динари, односно 99,76% од планованих 43.107.000,00 динарох. Средства хасновани за канцеларийни материял, гласацки лістки, записніки о примопридаваню, записніки о роботи виберацких одборох, контролни лістки, коверти, паперово мехи, преградни паравани, гласацки шкатули и др. Средства хасновани и за надополненє трошкх материялу за виберацки места, у форми трансферу општинским управом.

## **12.2. Препатрунок планованих, одобрених и потрошених бюджетних средствох у 2009. року**

*Функционална класификация 160* – Общи явни услуги неклассификовани на другим месце

У рамикох розділу Скупштину АП Войводини як активносц 01 – Покраїнска виберанкова комісія, плановани средства за рядову роботу Покраїнскей виберанковой комисії у вкупней суми 8.330.000,00 динари, а вивершени 8.183.812,59 динари, або 98,25% рочного плану.

Средства хасновани за:

- Стаємни трошки - у суми 242.493,82 динари, односно 89,81% планованих 270.000,00 динарох. Средства хасновани за закуп простору пре змесценє виберанкового материялу.
- Трошки путованьох - у суми 123.192,77 динари у одношеню на плановани 200.000,00 динари, односно 61,60%.

- услуги по контракту - у суми 7.818.126,00 динари, односно 99,47% планованих 7.860.000,00 динарох. Средства хасновани за надолпнення членом Покраїнскей виберанковей комисії и їх заменіком, як и особом цо ангажовани за роботу у Покраїнскей виберанковей комисії.

### **12.3. Препатрунок планованих, одобрених и потрошених бюджетних средствох у 2010. року**

Функционална класификация 160 – Обци явни услуги неклассификовани на другим месце

У рамикох розділу Скупштини АП Войводини як активносц 01 – Покраїнска виберанкова комісія, плановани средства за роботу Покраїнскей виберанковей комисії у вкупней суми 14.169.468,00 динари, а вивершени 12.613.111,81 динари, або 89,02% рочного плану.

Средства хасновани за:

- Стаємни трошки – у суми 430.564,83 динари од планованих 513.918,00 динарох, односно 83,78%. Средства хасновани за трошки платного обтоку, услуги доручованя и закуп простору за виберацки места при запровадзованю доплнююцих виберанкох у Виберанковей єдинки 13 Жабель, як и закупе простору пре змесцене виберанкового материялу.
- трошкови путованьох - вивершени 81.377,24 динари, односно 23,25% планованих 350.000,00 динарох. Средства хасновани за виплацоване надолпненьох за хасноване власного авта при приходзеню на схадзки Комисії.
- услуги по контракту - у суми 11.523.200,98 динари од планованих 12.727.581,00 динарох, односно 90,54%. Средства хасновани за надолпнене трошкох друкованя обвисценьох виберачом у Виберанковей єдинки 13 Жабель, надолпнення за роботу у Покраїнскей виберанковей комисії, як и надолпнення за роботу у орґанох за запровадзоване доплнююцих виберанкох у Виберанковей єдинки 13 Жабель.
- материял - у суми 577.968,76 динари, односно 100%. Средства хасновани за запровадзоване доплнююцих виберанкох у Виберанковей єдинки 13 Жабель, и то за гласацки лістки и опремане виберацких местох.

### 12.4. Препатрунок планованих, одобрених и потрошених бюджетних средств у 2011. року

Економска класификация	Жридло финансиования	Назва	Плановане з рочним планом	Вивершени розходи	Процент вивершеня
<b>Покраїнська виберанкова комісія</b>					
<b>Общи явни услуги неклассификовани на другим месце</b>					
<b>421</b>		<b>СТАЕМНИ ТРОШКИ</b>			
421619		Закуп иншого простору			
	01 00	Приходи з бюджету	240.000,00	190.165,08	79,24
<b>422</b>		<b>ТРОШКИ ПУТОВАНЬОХ</b>			
422194		Надополнене за хасноване власного авта			
	01 00	Приходи з бюджету	150.000,00	28.494,00	19,00
<b>423</b>		<b>УСЛУГИ ПО КОНТРАКТУ</b>			
423591		Надополнення членом управних, надпатраюцих одборох и комисийох			
	01 00	Приходи з бюджету	10.051.000,00	8.350.232,00	83,08
<b>Жридла финансиования за функцию 160</b>					
	01 00	Приходи з бюджету	10.441.000,00	8.568.891,08	82,07
<b>Вкупно за функцию 160</b>					
<b>Жридла финансиования за активносц</b>					
		<b>Покраїнська виберанкова комісія</b>	<b>10.441.000,00</b>	<b>8.568.891,08</b>	<b>82,07</b>

*Функционална класификация 160* – Общи явни услуги неклассификовани на другим месце

У рамикох розділу Скупштини Автономней Покраїни Войводини як активносц 01 – Покраїнська виберанкова комісія, плановани средства за роботу Покраїнскей виберанковей комісії у вкупней суми 10.441.000,00 динари, а вивершени 8.568.891,08 динари, односно 82,07% плану.

Средства хасновани за:

- *Стаємни трошки* - плановани 240.000,00 динари, а вивершени 190.165,08 динари, односно 79,24% плану за закуп простору пре змесцене виберанкового материялу.
- *Трошки путованьох* - плановани 150.000,00 динари, а вивершени 28.494,00 динари, односно 19% плану. Средства хасновани за виплацоване надолпненьох трошкох приходзена на схадзки Комісії, членом и заменіком членох Покраїнскей виберанковей комісії.
- *услуги по контракту* - плановани 10.051.000,00 динари, а вивершени 8.350.232,00 динари, односно 83,08% плану. Средства хасновани за виплацоване надолпненьох за рядову роботу у Покраїнскей виберанковей комісії на основи Одлуки о надолпненю за роботу членом Покраїнскей виберанковей комісії число 013-2/2010 од 26. януара 2010. року.

### **12.5. Препатрунок планованих, одобреных и потрошених бюджетних средствох у 2012. року**

*Функционална класификация 160* – Общи явни услуги неклассификовани на другим месце

На основи Одлуки о розписованю виберанкох за посланікох до Скупштини Автономней Покраїни Войводини („Службени новини АПВ“, число 6/2012), виберанки за посланікох до Скупштини Автономней Покраїни Войводини отримани 6. мая 2012. року.

У рамикох розділу Скупштини АП Войводини як активносц 01 – Покраїнська виберанкова комісія, плановани средства за роботу Покраїнскей виберанковей комісії у вкупней суми 209.039.000,00 динари, а вивершени 206.237.003,04 динари, односно 98,66% плану.

Средства хасновани за:

- *стаємни трошки* - вивершени 3.888.013,55 динари, односно 88,16% планованих 4.410.000,00 динарох. Средства хасновани за надолпнене трошкох виберанковим комисийом за окончени услуги доручованя обвисценьох виберачом о дню и чаше отримованя виберанкох, як и за закуп простору пре змесцене виберанкового материялу.
- *трошки путованьох* - вивершена сума 450.797,00 динари, цо виноши 56,35% планованих 800.000,00 динарох. Средства хасновани за виплацоване

трошких путованя (хасноване власного авта) членом Покраїнскей виберанковей комісії (у стаємним и преширеним составе).

- услуги по контракту - потрошени 141.810.222,16 динари, односно 98,67% планованих 143.725.000,00 динарох. Средства хасновани за инши услуги друкованя, хтори уплацени виберанковим комисийом виберанкових єдинкох за надолполнене трошких друкованя обвисценюх виберачом о дню и чаще отримованя виберанкох. Исти средства хасновани и за виплацоване надолполненюх за роботу у орґанох за запровадзоване виберанкох, и то: за рядову роботу стаємного состава Покраїнскей виберанковей комісії, роботу стаємного и преширеного состава Покраїнскей виберанковей комісії под час виберанкох, надолполненя за роботу анґажованих особох у Покраїнскей виберанковей комісії под час виберанкох, за роботу у виберанкових комисийох виберанкових єдинкох и надолполненя за роботу виберацких одборох, и за инши общи услуги, односно трошки превоженя, утоварйованя и витоварйованя виберанкового материялу.
- трошки материялох - вивершени 60.087.970,33 динари, односно 99,97% у одношеню на плановани 60.104.000,00 динари. Вивершене ше одноши на набавку виберанкового материялу за опремане виберацких местох, и то за гласацки лістки, контролни лістки, лістини кандидатох, записніки о примопридаваню материялу, записніки о работи виберацких одборох, паперово застави, наліпки за мехи, наліпки за лістки, наліпки за контролни лістки, коверти, паперово мехи, преградни паравани, гласацки шкатули и под., и у форми уплацованя виберанковим комисийом виберанкових єдинкох за други потребни материял за опремане.

### **12.6. Препатрунок планованих, одобрених и потрошених бюджетних средствох у 2013. року**

*Функционална класификация 160* – Общи явни услуги неклассификовани на другим месце

Председатель Скупштини АП Войводини 20. децембра 2012. року принесол Одлуку о розписованю доплнююцих виберанкох за вибор посланікох до Скупштини Автономней Покраїни Войводини у виберанкових єдинкох 3 Апатин, 17 Зренянин III и 49 Србобран за 17. фебруар 2013. року, а доплнююци виберанки отримани 17. фебруара 2013. року, и повторне гласане 3. марца 2013. року.

У рамикох розділу Скупштини АП Войводини як активносц 01 – Покраїнська виберанкова комісія, плановани средства за роботу Покраїнскей виберанковей комісії у вкупней суми 34.249.000,00 динари, а вивершени 32.178.609,31 динари, односно 93,95% плану.

Средства хасновани за:

- стаємни трошки - вивершени 1.742.717,68 динари, односно 81,47% планованих 2.139.000,00 динарох. Средства хасновани за надолполнене

трошкx виберанковим комісиейм за окончени услуги доручованя обвисценьох виберачом о дню и чаше отримованя виберанкох 17. фебруара и 03. марца, за закуп простору за штири виберацки места, як и за плацене закупу простору пре змесцене виберанкового материялу.

- трошки путованьох - вивершена сума 65.327,00 динари, цо виноши 13,07% планованих 500.000,00 динарох. Средства хасновани за виплацоване трошкx путованя (хасноване власного авта) членом Покраїнскей виберанковей комисии.
- услуги по контракту - вивершени 28.383.762,05 динари, односно 96,02% планованих 29.560.000,00 динарох. Средства хасновани и за виплацоване надолпненьох за роботу у орґанох за запровадзоване виберанкох, и то: за роботу Покраїнскей виберанковей комисии, надолпнення за роботу анґажованих особох у Покраїнскей виберанковей комисии под час виберанкох, за роботу у виберанкових комисийох виберанкових єдинкох, надолпнення за роботу виберацких одборох, и за инши общи услуги односно услуги виробку печачох виберанкових комисийох виберанкових єдинкох.
- трошки материялох - потрошени 1.986.802,58 динари, односно 96,92% у одношеню на плановани 2.050.000,00 динари. Вивершене ше одноши на набавку виберанкового материялу за опремане виберацких местох, и то за гласацки лістки, контролни лістки, лістини кандидатох, записніки о примопридаваню материялох, записніки о роботи виберацких одборох, паперово застави, наліпки за мехи, наліпки за лістки, наліпки за контролни лістки, коверти, паперово мехи, преградни паравани, УВ лампи, у форми уплацованя виберанковим комісиейм виберанкових єдинкох за инши потребни материял за опремане.

### **12.7. Препатрунок планованих, одобреных и потрошених бюджетних средствох у 2014. року**

*Функционална класификация 160* – Общи явни услуги неклассификовани на другим месце

У рамикох розділу Скупштини АП Войводини як активносц 01 – Покраїнська виберанкова комісія, плановани средства за роботу Покраїнскей виберанковей комисии у вкупней суми 21.400.000,00 динари, а вивершени 18.874.762,24 динари, односно 88,20% плану.

Средства хасновани за:

- стаємни трошки - вивершени 815.169,04 динари, односно 56,22% планованих 1.450.000,00 динарох. Средства хасновани за трошки платного обтоку и банкарски услуги и плацене закупу простору пре змесцене виберанкового материялу.

- трошки путованьох - вивершена сума 123.354,51 динари, цо виноши 30,84% планованих 400.000,00 динарох. Средства хасновани за виплацоване трошкох путованя (хасноване власного авта) членом Покраїнскей виберанковей комісії, як и за виплацоване дньовніцох, превожене и змесцене за службени путованя у иножемстве.
- услуги по контракту - вивершени 17.936.238,69 динари, односно 91,75% планованих 19.550.000,00 динарох. Средства хасновани за котизацию за фахово совитованя и за виплацоване надолпненьох за роботу у орґанох за запровадзоване виберанкох, и то за роботу Покраїнскей виберанковей комісії и надолпнення за роботу анґажованих особох у Покраїнскей виберанковей комісії.

### **12.8. Препатрунок планованих, одобрених и потрошених бюджетних средствох у 2015. року за програмну активносц – Активносци орґанох за запровадзоване виберанкох**

Зоз Покраїнску скупштинску одлуку о бюджету Автономней Покраїни Войводини за 2015. рок за тоту програмну активносц плановани средства у суми 21.530.000,00 динари и то зоз жридла финансованя 0100 – Приходи з бюджету, Функционална класификация 160 – Общи явни услуги неквалификовани на другим месце, а вивершени 88,08% финансового плану, цо виноши 18.963.797,11 динари.

За стаємни трошки плановани вкупно 1.061.000,00 динари, а вивершени 599.740,09 динари, односно 56,53% плану. Средства хасновани за трошки платного обтоку и банкарски услуги и плацене закупу простору за змесцоване виберанкового материялу.

За трошки путованя плановани 350.000,00 динари, а за тот период не було вивершеня.

За услуги по контракту плановани 18.224.000,00 динари, а вивершени 16.633.859,57 динари, односно 91,27% плану. Средства хасновани за виплацоване надолпненьох за роботу у орґанох за запровадзоване виберанкох и то за роботу Покраїнскей виберанковей комісії и надолпнення за роботу анґажованих особох у Покраїнскей виберанковей комісії.

За провадзаци трошки задлужованя плановани 10.000,00 динари, а вивершеня не було.

Инши дотации и трансфери плановани у суми 1.885.000,00 динари, а вивершени 91,79% плану, цо виноши 1.730.197,45 динари. Средства хасновани за уплацоване на рахунок яки предписани за уплацоване явних приходох Републики Сербії, у складзе зоз членом 7. Закона о дочасним ушорйованю основкох за обрахунок и виплацоване плацох, односно заробкох и других стаємних приманьох при хасновательох явних средствох („Сл. глашнік РС“, число 116/2014).



### 13. Наводжене предписаньох

- Покраїнська скупштинська одлука о виборе посланікох до Скупштини Автономней Покраїни Войводини („Службени новини АПВ“, число 23/2014)
- Діловнік Покраїнскей виберанковой комисії („Службени новини АПВ“, число 12/2016 и 61/2016)
- Закон о шлебодним приступе гу информациейом од явней значносци („Службени глашнік РС“, число 120/2004, 54/2007, 104/2009 и 36/2010)
- Закон о заштити податкох о особи („Службени глашнік РС“, число 97/2008 и 104/2009 - др. закон, 68/2012 – одлука УС и 107/2012) Упутство за обявйоване информатора о роботі державного органа („Службени глашнік РС“, число 68/2010)
- Закон о єдинственим виберацким списку („Службени глашнік РС“, число 104/2009 и 99/2011)
- Упутство за виробок и обявйоване информатора о роботі державного органа („Службени глашнік РС“, число 68/2010)

## 14. Інформації о подношеню вимаганьох за приступ ґу інформаційом

Вимаганє за приступ ґу інформаційом од явней значносци хтори ше одноша або настали у вязи з роботу Комисії, мож поднесц на шлїдуюци способ:

- у писаней форми на адресу:  
Покраїнська виберанкова комісія  
Владики Платона бч  
21000 Нови Сад,
- по електронскей пошти на адресу: [pik@skupstinavojvodine.gov.rs](mailto:pik@skupstinavojvodine.gov.rs),
- усно, на записнік у писарніци Скупштине Автономней Покраїни Войводина,
- по факсу: 021/487-4143; 021/456-010; 021/456-012.

Вимаганє муши облапяц:

- цо прецизнейши опис інформації хтору ше гледа (по можлівосци назву документу хтори ше гледа),
- наводзене же ше інформацію гледа од Комисії,
- податки о гледательови інформації (мено и презвиско физичней особи, односно назву правней особи, адресу, телефон або други податки за контакт) и способ на хтори гледана информация треба же би була доступна, односно способ ей доручованя гледательови.

**ПОКРАЇНСКА ВИБЕРАНКОВА КОМІСИЯ****В И М А Г А Н Є**  
**за приступ гу информации од явней значности**

На основи члена 15. пасус 1. Закона о шлебодним приступе гу информациейом од явней значности („Службени глашнік РС“, число 120/04, 54/07, 104/09 и 36/2010), од Покраїнскей виберанковой комісії вимагам\*:

- обвисцене чи ма гледану информацию;
- увид до документу хтори ма гледану информацию;
- копию документу хтори ма гледану информацию;
- доручоване копії документу хтори ма гледану информацию:\*\*
  - по пошти
  - по електронскей пошти
  - по факсу
  - на иншаки способ:\*\*\* \_\_\_\_\_

Тото вимагане ше одноши на шлїдуюци информации:

(написац цо прецизнейши опис информации хтору ше гледа, як и други податки хтори олегчую пренаходжене гледаней информации)

у \_\_\_\_\_,

\_\_\_\_\_ 20\_\_ року

\_\_\_\_\_  
(Мено и презвиско подношителя вимаганя)

\_\_\_\_\_  
(Адреса)

\_\_\_\_\_  
(Други податки за контакт)

\_\_\_\_\_  
(Подпис)

\* У хижки означиц хтори законски права на приступ гу информациейом жадаце витвориц.

\*\* У хижки означиц способ доручованя копії документох.

\*\*\* Кед вимагаце иншаки способ доручованя, обовязно уписац яки способ доручованя вимагаце.